

茹山河

迭两年我写征文得奖勿少，勿大稀奇了。不过参加由本届上海书展办公室和本报联合举办个《我与上海书展十年》征文活动，征文获得“二等奖”，倒是让我交关开心，因为甭篇征文我是用上海闲话来写个。

两年前个书展里，我看到有人用上海闲话来写文章，好白相啊！乃末自家也试了写写看，投拨好几家媒体，叫啥人家伙勿要！想想阿要“瘟【wak】塞”（郁闷）。后来发现新民晚报浪有“上海闲话”专版，我就拨甭种文章“譬如勿是”去投投看，旡没几天功夫就接到编辑老师个电话，想勿到伊对我个稿子评价蛮好，还老客气个脱我协商今后写稿要注意几个方面。讲句老实话，碰到甭种负责个编辑，我邪气服帖，非但想写物事多了，还会主动脱伊沟通，乃末我写稿个兴趣越来越浓，拨勿少亲眷朋友个胃口也吊起来了。伊拉常常会拉夜报每期“上海闲话”版浪看看，先看有勿有我个文章，顺便再看其他文章，一段时间读下来个认识是，甭个专版文章读来着肉、特别有亲切感，现在伊拉侪算是“上海闲话”版个“粉丝”了。

我写上海闲话文章勿单讲老早头个事体，还拨现在身边个事体写出来，像老年社会个老年人种种个尴尬，我就写了《讲讲老年人迭辈里个事体》，有爷娘担心屋里个老姑娘嫁勿出去，我就用地铁里听到小年轻个对话，写仔《脱光勿脱光问题》，有眼老同事看仔我迭点文章，侪讲用上海闲话讲阿拉上海人个事体，如果换作普通话来写，味道就会变脱，就勿会有介好个效果了！有人还特特为寻到我来谈心，比方讲，现在勿少住拉四楼以上个老人，上下楼梯老吃力，一直是个问题。葛末我就以“电梯上上下下的享受”个广告词来反思写出了《上上下下个难受》。文章登出后老朋友道里侪像讲出了自家个心里闲话，开开心个特地聚餐了一顿。对我来说，我是更要感谢“上海闲话”版呢！

《新民晚报》上海闲话版个真诚，凝聚了一批像我一样个热心作者，丰富个作品迎来了2012年召开个出版100期座谈会，我是从新民网浪向自始至终看录像个。随后我拨编辑老师发帖谈了自家个感想。编辑老师告诉我，随后个上海书展里有“上海闲话”专集首发式，集子里就收进了我个刊文，还邀请我一道参加。我一直兴奋个盼望甭一天。2012年8月17日，我像出席隆重个典礼一样参加了书展。旡没想到我所有刊出个稿件侪收到专辑里了。迭天等待签售个人特别多，介间猛个场面拨我看到了上海闲话个吸引力，更拨我有了写好上海闲话个信心。人侪看重感情个，甭两年脱“上海闲话”个真诚合作自然成了我迭次写上海书展征文极好个素材，虽讲题目是《上海书展为我写好上海闲话》，但真像有人祝贺我获奖时个评介，我是“用心在写”，所以我讲，是上海闲话拨我用心写出了“二等奖”。



混堂

文／沈寂 图／范生福、范思田

上海人称“浴室”为“混堂”。史料记载:北魏以前，宫廷和佛寺设立浴室，民间于宋代开设浴池。池水在一天内不更换，因混浊而称“混堂”。上海人赶早去洗澡叫作“赶头汤”。洗澡叫“孵混堂”。有人讲究写意，上午叫皮包水（上茶楼喝茶），下午水包皮（洗澡），赛过活神仙。

上海旧时有一条大弄堂，弄内都是一家家用盆汤供人洗澡，故名“盆汤弄”。浴室除洗澡外，还有擦背、扞脚，客人浴后瞌睡、喝茶，真舒服。

上海有名的浴室是浴德池和逍遥池，是法租界巡捕房总探目黄金荣开的。他澡后手下禀报一件件案子。他闭着眼睛，打着呵欠办案，以收钱多少判决。

骑车穿弄堂

文／彭瑞高



远开一眼

“三秋”深夜还在挑稻，近乎脱力。伙伴们就坐在田埂上，吃烟望星空。国强说，阿彭，秋收忙过，带我们游趟上海吧？一说这事，众人便都热起来，七嘴八舌，连腰痛都忘记了。

到了这天，我们六人骑车去上海，走老沪闵路，穿徐家汇，过静安寺，一脚骑到南京路。我远远指着国际饭店说：“廿四层楼，看见吗？”伙伴们拼命点头，脚下生风。在黄河路口，他们停车看楼，就像见了巨人，兴奋得两眼放光。国强

说：“朝天望楼顶，草帽也戴不住啊！”

我们有的是力气，敞开衣襟，骑车穿弄堂。从南京路穿到凤阳路，从汉口路穿到福州路，从延安路穿到巨鹿路……一路铃声，把弄堂两边的阿姨吓得目瞪口呆。有人指着我们背脊说：“乡下人还这么开心！”几十路踏下来，肚皮早饿了，我们踏进徐镇老街吃中饭，每人半斤饭，一大碗咸肉豆腐汤，油水有半寸厚。吃光后还嫌不饱，又加一碗清汤，不要钱的。

回到村里，国强到处说：“这次游上海不得了，一路穿弄堂，敌后武工队啊！”



闲话闲画



还有垒着个麻袋，应该是或海盐或岩盐。店堂里个空气是湿答答、咸咪咪、酸稀稀个。就像医院里个酒精味道一样，特别个气味会让人肃然起敬个。

40后、50后个爷叔、伯伯辣小辰光侪被屋里向大人派过生活，到酱园里去拷点酱油，买点酱

落苏灯

文／阿华



老里八早

我小个辰光，辣拉佻浦东乡下头，会得白相一种活动——落苏灯。


落苏灯具体是阿里一天白相个，记勿得了，只晓得白相好落苏灯，再过个几天暑假就要过脱开学了。所以伊个辰光个夜头已经是蛮风凉了。

到伊个一天夜里向大概七点钟左右，天刚刚黑下来，隔壁邻居基本浪是年纪较大个老人开始出来喊了：插香啦！勿晓得伊拉哪能拿甭个日脚记来牢牢个，像阿拉姆妈辈有辰光也要忘记脱个。乃末大家就到屋里向拿出来一把香，辣液化气灶头高头拿伊拉根根点亮。辣阿拉屋里，甭辰光我就冲过去：我来，我来！小手里向捏了满满一把香，沿了自家房子四周个壁角落头里拿香一根一根插下去，有辰光香灰落下来跌了手高头，烫是烫得来……不过，插好后看到四周隔壁邻居侪是一根根香头个点点红光辣黑色夜幕中熠熠闪闪，宛如仙境一样，开心是开心得来……听大人讲，甭天是为了纪念土地公公。

挨下来，小人个节目开始哉。大人开始帮小人做落苏灯：选一根好看点个芦竹棒头，一

体检结果

创作／顾红基



小滑稽

甲：朋友，看依拿了体检报告兴冲冲个样子，大概身体状况还不错？

乙：马马虎虎过得去，其他指标基本正常，就是查出来有点胃炎炎。葛末依呢？

甲：大同小异，只不过有点胃溃疡。

乙：啊呀！好端端个依哪能会得胃溃疡？

甲：依一惊一乍、大惊小怪啥事体，就一点小毛病用勿着介紧张。

乙：依老兄太大意了，要晓得，迭个毛病吓坏人，胃溃疡、胃溃疡，胃贯了地浪会样脱个。甲：照依迭能讲，依个胃炎炎更加危险了。胃炎炎、胃炎炎，说明迭个毛病一点旡没救了，所以医生要回头伊（胃炎炎）了。

乙：喔唷！喔唷！依派司过来个还要迭棍，豪燥牢牢。

甲：哈哈！吃勿消了哦？我只是接了依个话头打打棚而已。

乙：其实拿对方身体瞎寻开心侪是勿作兴个！今朝是我挑起个，结果是自搬石头自砸脚，应该好好记取教训。

门庭森严个酱油店

文图／阿仁

葡萄酒可以零买。当瓶装啤酒、零拷生啤后来上市后，甭笔大生意拨烟糖公司抢过去了。而属于粮油公司个酱园直到以后经营开放、买卖市场化之后才做起零买啤酒个生意。

拷酱油、菜油个任务辣伊个辰光属于家庭中个重大工程。买油有限制、买油要凭油票。告咭买油大人是勿放心交拨投五投六个小囡们去完成个。打翻半瓶油、打碎一瓶油是大事体，会弄得一家门一个月里见不到一眼油水。因此拷油、买糖、买盐迭点要凭票供应个生活，屋里向甭当家人会亲自出动。油、糖、盐，一两五钱个份量侪是推扳勿起个。

当年个迭点票证如今都变成文物古董了。辣文物市场浪有个又身价百倍了。可惜我个屋里向辣当年一张都勿舍得浪费，全部出送了。一点不懊恼。反正今朝个生活更有滋味了。